



愚伏集 第一

詩



廿八

~16  
2344  
1



知  
號 2344  
卷 1-16

愚伏先生文集目錄

卷之一

辭

次歸去來辭

詩

題從政名言後

澆花

直宿門下省有感而成示韓益之

贈三翁上人

題僧軸

李叔平赴丹陽稷人會餞分韻得留字



聞體府病卧月城有感

又聞病歌次前韻

次韻寄李叔平

辛丑五月二十三日曉夢侍先大夫

移植牧丹次東坡吉祥韻

偶吟

次李叔平韻二首

堤川館舍次退陶韻呈主人丈

敬次屋相韻

次堤軒板屋上韻寄李養久方伯

入山庄馬上口占

北澗躑躅免於火患欣然有感詩以識之

齊居有感寄丹陽李使君用去冬山韻

病中次屋翁忠州道上作

書懷用洪太古島潭板屋上韻

贈花居士并序

又贈一絕

詠史

即事

次漢陰李相公寄新曆韻

次韻謝希庵丈見寄效后山體

次杜子美寄題草堂韻

愚人之集目錄

正月二十四日晚地震

四季花稿粹遂用梅聖俞五例體記其事

早春登臺

夜坐

愚巖

問山

山茶

溪亭

歲除日宿玉成書宇曉聞鷄聲有省口占

離山晶長老新歲寄詩副以棗實一封次韻謝之

鄭生榮邦來訪以詩相贈次韻答之

記夢用鵝湖欽韻二首

方伯李養父以書相問吟得短律以寄

附方伯次韻

咸興僧妙淨來告行贈一絕

集句

閑行

過松溪有感

夜坐有懷時讀朱書節要

次西屋先生韻

招杜術士思忠

立春日作

從叔參奉挽詞

金士悅來訪次蒼石韻贈之

月夜與李叔平成士悅康明甫諸人講話

鄭相國琢挽詞

挽金首克昌遠

愚谷雜詠二十絕

李叔平抱病遠來以一絕見贈次韻謝之

附九韻

離山禪長老遣沙彌來致書問訊以詩送之

寄金秀才克恒

蒼石兄朝天回同穠以壺盞慰之

挽趙月川

太白寺僧持西厓詩訪余于中臺次贈

吾鄉遠尊燕集于存愛堂得一律敬呈

西厓先生挽詞

郡齋書懷

書海印寺僧軸

徐正即行甫以盆梅一枝寄來次韻謝之

山居

離嶽僧惟性索詩贈一絕

寄關西伯李養父

宿鍊光亭序養父以書相問以一絕答之

過平壤瞻拜箕子廟下憶夢中句足成短律

到十三山書贈陳童子

留別應北庵

到高嶺寄應北庵

題寓居壁上

次韻別申順夫南歸

送金晦中赴關東幕

題應北庵所贈李太白醉眠圖障子

寓居隣有金柱者以盆松來枝幹扶疎甚可愛

卷之二

詩

題龍仁漾碧亭

宿邊山釋在庵題坐屏

淳昌壁上有朴訥齋三絕有感用其韻

再用前韻道所感

謹次圃隱先生板上韻

漢陰李相公以書索梅子以數千顆呈似仍得近

體一首并奉

哭趙汝直

春日思歸

借得松竹各一盆以一絕寄意

候使相于臨溪縣馬上得一絕

白汝李相公被重謫在都門外以一絕問之  
宿喚仙亭

題兜率寺壁

通川清虛堂北墻下有桐木中琴材余命伐之

題普德窟

曹溪洞見雙鶴口占一絕

宿洞山晨起喜雨是時大旱

太宗兩有感而作

題南軒

次小樓授上韻

江陵士子輩各出米斗以書來問訊以短律謝之

冬至夜坐偶吟

立春日偶吟

月澗亭叔載家有盆梅盛開與諸友同賞

又用蒼石韻

挽金叅判希玉

臘月初六日盆梅盛開月澗兄弟來訪得二絕

蒼石又賦一絕次韻

挽姜報恩需

余家有梅二盆以其一餽蒼石

盆梅四絕

避暑玉成閣早題壁上

西山細雲有驗喜而有言

田家怨效儲光義體

次蒼石韻贈柳季華

挽呂德甫

憶楓湖

鄭寒圃挽詞

演雅效康節首尾吟體

春日同月澗蒼石南溪遊酉川槽巖

讀晦庵先生詩有十二辰體謹效之得二首

挽成士悅

次慕齋金先生韻贈權秀才並序

除夕書懷

趙禁仲改蔡挽詞

呈趙明府續韓

除夕有懷書曆日

再用前韻

正月二日獨坐有感

李浩然以古道魚見寄次韻謝之

倒用元韻又得一首

次樂志亭慕齋韻

難老堂壽席次叔平韻

再用前韻道所感

卷之二



洲嶽阻雨留二日分韻各賦一首

挽盧甥

李君茂伯將歸諸同人叙別得一首奉別

遊巴中

山北紀行得十韻

題東仙遊洞盤石

次金四寒韻并序

李君時揚袖疎庵詩未示用其韻附呈

有懷石潭子和壁上陶詩韻

次李于異蓮堂韻并序

挽任正言衣美

入直玉堂次李汝固壁上韻

是日入侍經席乞解職不得請復用前韻

挽鄭大司成時晦

挽曹承旨汝益

挽黃持平會甫

次正使姜曰廣題頭韻

次正使漢江亭韻

次正使揚花渡韻

書臺諫廳挾板

謝吳叅判德奇

謝正安府伯吳汝完竣書問

啓運宮挽詞

挽宋榮川 補昌

挽晚翠吳老

六院君遷奠挽詞

挽中領相欽

挽李判書濶卿

送李叔平赴任三陵

宣祖大王遷陵挽詞

挽李生裕後

卷之三

奏文

陳慰奏文

請復登州舊路奏文

教書

不允領議故柳成龍辭職教書

伏節元義及守城身死守令力戰陣亡將率子孫

除職免賤晚諭教書

教三道統制使李慶濬書

迎準封 皇勅頒赦中外教書

皇太子誕生頒赦教中外書

東宮嘉禮頒教中外書

迎登極詔後頒赦教書

咨帖

正使姜曰廣回帖

副使王夢尹回帖

都督回帖

都督回帖

袁軍門崇煥揭帖

孫閣部回帖

劉副總興治回帖

為副元帥鄭忠信揭劉興治帖

疏答

玉堂請自強劄

玉堂請守都城劄  
應求言教疏  
請從祀五賢文廟疏

卷之四

疏劄

玉堂論旱灾劄

玉堂議廢庶人劄

玉堂乞遘疏

弘文館八條劄

玉堂論史異劄

應求言劄

玉堂論梁德允劄

玉堂處置兩司劄

擬上議禮劄

議喪禮劄

卷之五

疏劄

擬上劄

請姑停園號劄

弘文館劄

司憲府論君德劄

擬上論事劄

玉堂請從諫劄

玉堂論時務劄

又

論答虜書劄

玉堂應求言劄

請姑停親祭劄

請停毛營遣重臣劄

請過災修省劄

請勿用兵撥島劄

論近日 聖教未安劄

請權停冬至賀禮劄

請勿奏請追崇疏

卷之六

疏劄

辭賞職疏

辭起復疏

乞歸省墓疏

乞復離從軍疏

辭 召命疏

乞省墓疏

辭賞秩疏

乞解職疏

乞適大司成疏

擬上辭職疏

辭賞加疏

辭副提學疏

陳情劄

辭藝文提學疏

出仕後辭職疏

陳情乞適劄

乞適疏

乞行遣劄

再劄

三

辭大司憲疏

辭大司憲劄

辭副提學狀

卷之七

疏劄

辭副提學疏

辭賞秩疏

辭賞秩疏

乞適都承旨劄

乞解職歸葬亡子疏

辭刑曹判書疏

辭大司憲劄

辭副提學劄

乞適副提學劄

辭大司憲劄

乞適大司憲劄

辭副提學并乞鑄免無帶劄

乞解職疏

乞適藝文提學劄

辭勤疏

乞減下無帶知義禁劄

乞適副提學劄

乞遞禮曹判書劄

乞遞職致仕疏

辭吏判 召命疏

再辭吏判疏

辭吏判書兼大提學劄

再劄

乞遞吏判劄

再劄

三劄

乞遞吏判疏

乞遞大提學劄

再劄

乞遞大提學疏

再疏

乞致事疏

乞解職疏

卷之八

議

交河置京議

宣惠號牌使否議

號牌量田議

啓辭

私廟屬號博考前例啓

請去昏朝而上 宣廟祖字啓

復命書啓

政院論李義吉疏啓

請遇災修省啓

請至日停鞠啓

政院啓辭

請從諫院所論啓

請禁斷關節啓

請寢內奴復戶之命啓

議禮合司啓八

大司憲避嫌啓二

請罷務啓

憲府請削濫錄勳列啓

呈文

上揚經理稿文

禮部稟帖

兵部呈文

擬呈禮部文

督府呈文

百官呈 天使文

呈金牧使尚容文

卷之二 呈文



呈柳方伯求詢文

卷之九

書

上西厓先生

答西厓先生

上西厓先生稟目

與鄭寒岡

別紙

與李完平三

答李完平

與李漢陰

答李五峯

與交五峯

與張旅軒

答金沙溪問目

答金沙溪三

與金沙溪

答裴明瑞二

答申叔正二

答韓益之

別紙

與韓益之二

答韓益之二

與牧使金景擇

答鄭時晦

答李聖微

與禮判李聖微

與李潤卿

答李潤卿二

與金冠玉

答李王汝二

別紙

答權仲明論深衣

附曲禮說

卷之下

書

答張持國

與張持國

與崔子謙二

答吳汝和問目

答尹同知所問目

答金昌遠二

與李叔載

答李叔載

卷之二

與李叔載叔平

與李叔載

答李叔載五

答李叔載叔平

答李叔載

與李叔載叔平

與李叔載

與李叔平

答李叔平二

與李叔平二

答李叔平

與李叔平

答李叔平四

與李叔平二

答李叔平六

與李叔平

答李叔平四

與李叔平二

答李叔平三

答李叔平

答徐樂齋竹甫二

卷之十一

書

答任卓甫問目

答金而得

答金而得金士悅

與金而得

與金而得而靜

答金而得而靜

答金淨遠二

與金淨遠二

答崔季升

答康明甫論並有變三

答康明甫三

與趙安仲

與金汝遇

答金汝遇

答洪偉夫

答曹汝益

答東陽尉

答吳敬甫問目

答金孝伯

答金孝伯孝仲二

與宋福汝

答金子亨二

答金士宣問目

答李卓爾李李述

答金伯昂

答金伯昂問目

答金伯昂

答李士廓士會

答蔡樂而

答李茂伯二

與李茂伯

答黃會甫二

別錄

與黃會甫

與柳季華

答柳季華

與柳季華

答柳季華

卷之十二

書

答鄭仁輔問目

答鄭仁輔

答鄭慶輔二

答鄭慶輔問目

答鄭慶輔四

與曹汝善二

答曹汝善二

與洪叔京

答洪叔京

別紙

答洪叔京

答全性之四

答申汝涉

答申汝涉問目

答申汝涉二

答申汝涉問目

答申汝涉

別紙

答申汝涉

答申朋叔二

答成直御

答金時直

答金邦良

答朴仲植

答李評事 尚繼

答李慶餘

答金恭甫

答全德久

答金萬統

答李器承書疑問

答李理勝問目

答盧正而

答黃遠甫問目

答權石之二

答人

答人問目二

卷之十三

書

與庠中居接士子

書愚翁執禮帖序及與庠士書後

答安東士友

答屏山文會

答屏山院長

答三書院廬諸士友

答問目

答響堂諸人

答響堂真目

答道南山長三

答道南重目

答栗里諸家二

答景烈序

答景式序

與盧錫

寄松三

寄松擗二

答松二

寄大兒四

寄大兒二

合擗四

寄擗三

答宋錫敬甫

與宋敬甫二

答宋敬甫

答宋敬甫三

答宋敬甫三

與宋敬甫四

答宋敬甫二

答宋敬甫問目二

卷之十四



雜著

愚叢說

臨川說

南軒說

潛室說

斷指者說

金守初字辭

拙齋銘

朝天記事

記愛

復者朝服

哭先復復而後行記事

灰膏

燔石灰記事

外棺用松脂方

記問

雜記

攷事撮要考誤

李芝峯采薪錄辨疑

金沙溪經書疑問辨論

拙言象文

與鎮岑一鄉文

卷之三

二百

募粟文

道南達院通文

榜諭江陵一鄉文

城山山城板穀文

櫻中為高年設宴請文

答左道疏會文

通諭道內士子文

榜諭場屋士子文

卷之十五

序

洛社合禊序

送崔瑩仲士歸序

石川慶壽詩序

五賢從祀廟庭執禮契帖序

虛白亭文集序

尚州鄉案錄序

觀梅唱酬序

綠玉杖序

記

一默齋記

菊圃記

城津山城嶺海樓記

跋

見天文集目錄

二三

興陽李氏家牒跋

書卷正篇後

書武夷志後

書李叔平請停門樓劄後

書孫季進四皓圖障子

臨瀛館族會帖跋

跋玉成序齒錄

題家藏竹石障子

書陰符經後

再書陰符經後

書南秋江過金烏山詩後

跋楊浦詩稿

書彭賜亭詩後

題陶靖節詩後

書芝峯采薪雜錄後

書芝峯論蔡子履中庸集傳贊後

書春宮冠禮圖後

書崔大容社倉約條後

書奇高峯答龜巖書後

書急難圖後

卷之十六

表箋啓檄

謝 皇帝降勅勉諭表

謝 皇恩表

天啓 皇太子薨逝陳慰表

天啓 皇帝崩逝陳慰表

崇禎 皇帝登極陳賀表

皇太子誕生賀表

謝 賜兒馬馬粧箋

謝 錄勲恩例箋

冬至賀箋

誕日賀箋

慰國哀箋

中殿慰箋

賀即位箋

謝 賜衣材箋

迺 詔後百官陳賀箋

上金招諭諭一落

募糧檄

上都體察使啓

上副體察使啓

上方伯啓

長子婚啓

接待使獻都督軸

上標文

道南書院廟上標文

文巖書院上標文

正寢重營上標文

祝文

道南書院享祀五先生祝文

屏山書院享祀祝文

月巖書院龍巖金先生享祀祝文

蘇齋從享時五先生前先生告事由文

廬江書院附西厓鶴峯兩先生告退溪先生文

蒙宥還家告廟詞

廢逐節上奠祭告詞

祭文

皇朝進香祭文

祭水軍滄死文

祭盧遊擊繼忠文

祭從叔祭奉文

祭金參議昌遠文

祭西厓先生文

祭金士悅文

祭權金山從鄉文

祭靜庵先生文

祭尹希庵文

祭趙汝直文

祭申文叔文

祭成士忱文

祭金而得文

祭鄭寒園文

祭李察訪士廓文

祭盧甥文

祭亡子檢闕文

祭黃持平會甫文

祭二子櫟文

祭李判書潤卿文

道南書院奉安五先生祭文

屏山書院奉安西厓先生文

蘇齋先生從享五賢廟祭文

臨川書院奉安祭文

嚴谷書院奉安晦齋退溪二先生祭文

南溪書院奉安西厓先生祭文

屏山書院西厓先生位版再奉安祭文

九龍湖祈雨文

凌頂山新設壇壝祈雨祭文

凌頂山得雨報祀祭文

卷之十七

碑銘

贈大匡輔國崇祿大夫議政府領議政謹忠定行

崇政大夫議政府左贊成權公神道碑銘并序

贈嘉善大夫吏曹參判行嘉善大夫慶尚道觀察

使金公神道碑銘并序

贈領議政行上憲丁公神道碑銘并序

贈議政府領議政李公神道碑銘并序

贈兵曹參判郭公神道碑銘并序

次資憲大夫工曹判書尹公神道碑銘并序

雙節碑銘并序

卷之十八

碣銘

通政大夫戶曹參議韓公墓碣銘并序

贈嘉善大夫吏曹參判李公墓碣銘并序

中直大夫成均館司成金公墓碣銘并序

贈資憲大夫吏曹判書金公墓碣銘并序

弘文館應教金公墓碣銘并序

縣監李公墓碣銘并序

習讀申公墓碣銘并序

通政大夫司諫院大司諫朴公墓碣銘并序

折衝將軍行龍驤衛副護軍趙公墓碣銘并序

贈吏曹參判行山陰縣監金公墓碣銘并序  
墓表

先考 贈崇政大夫議政府左贊成兼判義禁府  
事府君墓表

高麗按廉使申公墓表

崇政大夫行兵曹判書盧公墓表

通政大夫行承政院左承旨姜公墓表

贈通政大夫承政院都承旨行慶尚都事朴公墓  
表

贈戶曹參議行司憲府監察宋公墓表

贈吏曹判書全公墓表

卷之十九

墓誌

穆陵誌

通政大夫吏曹參議金公墓誌銘并序

通訓大夫行宜寧縣監黃公墓誌銘并序

習讀康公墓誌銘并序

通訓大夫行榮川郡守宋公墓誌銘并序

贈承政院左承旨行昌城府使李公墓誌銘并序

亡子檢閱墓誌

卷之二十

行狀

忠公集目錄



先考 贈資憲大夫吏曹判書無知義禁府軍府

君行狀

西厓柳先生行狀

漢陰李公行狀

西平韓公行狀

愚伏先生文集目錄

愚伏先生文集卷之一

辭

次歸去來辭 辛丑

歸去來方宦遊雖樂不如歸孰有繫余於歧路獨彷徨而  
 憂悲矧余齒之遲暮後雖悔其曷追諒行迷之已遠余不  
 忍乎遂非謝簪笏於海上製薜蘿以為衣全純愚而旋返  
 甘伏深而潛微聽彼聲利衆人之奔窮通有命禍福無門  
 樂茲丘園我思攸存飢有瓦釜渴有甕樽不改樂於陋巷  
 非敢庶乎晞顏夙不養乎甘寤曰貧窶其為安白雲飛而  
 成帷青嶂環而為關澗泉鳴分靜聆巖花發分幽觀或披  
 草於松逕共麋鹿以往還獨寤言而弗告專一壑而盤桓



歸去來分聊卒歲以優游苟所好焉是從寧富貴之可求  
惟醉生而夢死寔余心之所憂先民指余以周行余舍此  
而依疇曰心如虎而情如舟伊志道而逐外同植藕於崇  
立幸既返乎初服願終免乎下流絕芬華而恬養矣蓋棺  
而後休已矣乎人生在世能幾何歲月如流不我留胡為  
乎俵俵昧所之往者已無及來者猶可期孰無為而有獲  
盈園在乎耘耔勤夙夜以毋忝遵明訓於雅詩固至樂之  
在是朝聞夕死又何疑

詩

題從政名言後乙酉

人要入道無如敬行欲求譽不是誠勤集名言貽後學令

人却憶薛文清

澆花

古方以馬糞清澆花翌日開者即日便開云

纔見離披便見殘盛衰相代苦無端憑君莫用催開法留  
得枝頭蓓蕾看

直宿門下省有感而成示韓益之戊子

繫祿違將父謀歸却戀君傷心中道客極目太行雲鐵笛  
憐秋引征鴻怨夕聞燈前一樽酒飲盡不成醺

贈三角上人己丑

萬事都低了千心恣寂然偷成忙裡靜默對定中彈碣淨  
花初落天空月獨懸百年今日趣難語又誰傳

題僧軸丙申

極目兵塵漲海濱驚禽未有可安枝山僧不識征人苦夜  
雨懸燈強索詩

李叔平赴丹陽契人會餞于弊居臨發有雨以天  
教好雨留住佳客分韻得留字巳亥

卅角交情到白頭團圓歡喜別離愁如何平子歸田日更  
值淵明叩耜秋人畏簡書輕開別天教風雨作淹留應知  
東閣憂民處回首蘭亭憶社遊

聞體府病卧月城有感

昨送台旌向月城有人傳報病相嬰曾看損食憂諸葛定  
被傷時悴賈生瘡霧可堪床底起海山無數枕邊橫極知  
愷悌神應勞猶自終宵意未平

又聞病歇次前韻

入為心腹出干城事業何曾數晏嬰天意定應存社稷海  
濱那得死先生風傳鼓角妖氛豁日映旌旗喜氣橫說與  
南中諸父老祇須加額望昇平

次韻寄李叔平辛丑

憶昨金章在海甸日夜悠悠思我里塵間安得賞音人天  
下難逢如意事紛紛名利爭馳逐踈懶不慣趨朝市歸來  
山屋月為燭一味偶契玄真子從今好作蠶縮頭晚節庶  
免狼彘尾只有相思一片心飛渡二樂樓下水

辛丑五月二十三日疏夢倚先大夫

一失儀音杳莫追卷中空泣夢我詩分明昨夜叨陪夢髣

鬢當年寢疾時風急不曾饒靜樹草微那計報春曦重泉  
倘卜承顏面孤露餘生願死隨

移植牡丹次東坡吉祥韻

俗務拘人未易裁吉祥那得趁花來何如借取芳根去坐  
待明年盡意開

偶吟

破屋欹傾倚毀垣可堪中夜朔風掀紙衾瓦枕終朝卧容  
至無人出應門

次李叔平韻

老向紅塵又強顏契梅真覺未為酸回車獨過江頭路柱  
笏同看郭外山千日別來旬日合十分愁裡一分歡慙慙

莫忘他年約灑水東西兩竹開

把酒長歌一愴顏請君休怪我聲酸精能謾學三年楮行  
路終成九折山垂老漸能齊得喪相逢猶復說悲歡不如  
携下山中去萬卷詩書畫掩關

堤川館舍次退陶韻呈主人丈

遠道不可窮愁緒不可整冷燠度曠野黯黯笑我影霜風  
穿弊裘冰雪阻脩嶺承恩况非分短綆妨深井回車故  
山路帝閭日以迫浮生能幾何長年逐萍梗試道貴人忙  
何如貧者靜

敬次厓相韻

人皆愛看菊燦燦明朝旭中有後凋心人看還不識誰哉

世之人好德如好色霜霰劇搖落幽馨方未歇松桂是顏  
解梅花乃長息

次堤軒板上韻寄李養父方伯 時發 七寅

垂老聲名不厭低幽情去去著巖棲松杉寂歷雲生壑揚  
柳扶疎月漾溪莫向郢城歌白雪曾知蜀道有青泥憐君  
肯與同心事要及春耕耦壤田

入山庄馬上口占

石路緣溪入轉深斜陽翳翳下高林羸驂短僕閑來往誰  
識幽人歲暮心

北澗絕幽僻泉石頗奇勝綠澗上下數百步許兩  
岸皆蹶躑每遇花開時坐石弄泉清波紅錦爛熳

相映極有佳趣余甚愛之戒村童無得折毀今年  
二月余在栗村山奚來告云舍後峯壑頃為山火  
所延焚殆盡首問蹶躑免不口不免矣余嗟惜久  
之聞二月到山居先尋北澗則蹶躑無恙焉蓋以  
植根巖竇不雜於眾蕪之中故得免於火患而山  
奚不察而妄答也欣然有感詩以識之

澗邊蹶躑樹甯性良險奇不喜桃李場况願文石埤托根  
巖竇幽苦意誰得知龍鍾有病葉猗儺無長枝百草得肥  
壤雨露與華滋春風一披拂苗葉何猗猗獨伴石角松因  
厄不敢辭坐受衆芳譏甘後韶華時化工各有付物性固  
難移忽此燎原火起自野商炊狂飈助虐焰熱盡浮天眉

玉石竟同焚况問蕙與芝孤叢幸自保依然寒澗滑欣欣  
日向禁籞蓄映清漪擇地爾豈知免灾曾不期乘除諒如  
此倚伏迭相推無榮即不辱有得失亦宜寄語窮居子慎  
勿惡寒飢

齋居有感寄丹陽李使君用去冬山韻

獨來西澗照衰顏黃紙紅旗意已酸槐國豈非身後夢終  
南猶是憲中山須將靜躁論榮辱肯為升沈辨戚歡從此  
欲尋正路却愁前去有重關

野澗天回一望愁中原歸路更悠悠山從劔石不  
方壯水遶金灘去不休浮世幾人青入眼少年為  
客白渾頭惟將老淚供多感洒盡千行寄北流屋

翁庚子冬忠州道上作也病中偶記得諷詠不已

因次其韻

暮年懷抱自生愁不管平生計謬悠賦命每憐三不幸行  
身何啻七宜休翁今矣馬寧關念人或呼牛但點頭秋草  
滿庭門獨掩萬峯攢棗一江流

書懷用洪太古島潭板上韻

世路崎嶇已備經當時辛苦說調停聊隨白木長鑿柄歸  
卧清江小草亭恩似丘山難報答身如蒲柳易凋零只  
今萬事三緘口不怕垣人屬耳聽

贈花居六并序

余家舊有四季花一大叢其高出屋余甚寶愛

之兵火中家且為燼况一庭實乎今年春新搆  
山齋植花卉數種于階上恨欠此花標格一日  
居士採持帶土以來問之則渠平日所手植在  
池中小嶼故園十年兵燹及野火而獨脫焉者  
也居士請以一語記其事遂吟得五十六字以  
謝之居士姓周名漢卿平生有愛花癖以植花  
為業人呼為花居士云

春為芳叢歲四回世間紅紫總興衰  
凌霜意氣常傾菊帶臘精神欲並梅  
七物恨因兵火失寸根欣逐道人來  
從今不恨生涯薄擁地通泉手自培

又贈一絕

何生蝴蝶化為周天遣憐花一性留  
我亦年來愛芳草擬將隨汝作園頭

詠史

講宴東堂荷禮漫却從南闕賣君頭  
當初也解羞羊枯底對三經不解羞  
右王沉三言不答欲如何行路皆知  
階鎖鎖強道伯仁吾不殺鬼神還在  
你傍麼右王導

即事

慣病渾忘病長閑却厭閑補階臨淨  
綠刊樹露屐顏籬竹晨仍夕尋雲往  
復還清宵更無事邀月倚松關

漢陰李相公寄以新曆上面有詩云  
百息多病歲

崢嶸遙想居閑萬戶輕醫局禁方神已授溪堂幽  
趣盡難成厭看列岫浮雲變獨愛方塘活水清持  
送此書無別事春來應相老農耕乃其所自製而  
手寫者也病人不以一字入都中久矣而厚意不  
可無謝遂用其韻以呈

眼中台坐望崢嶸自哂危飛沒重輕千里夢思傷阻澗一  
詩清到荷生成飢寒任分經營斷泉石尋盟計活清從此  
不須煩曆日霜零收穫雨零耕

次韻謝希庵丈見寄效后山體

事既難追往人將不食餘閉門專守已隱几嗒忘余眼暗  
妨尋墨頭慵厭著梳久知衰甚矣休問意何如

杜子美寄題草堂詩曰經營上元始斷手寶應年  
蓋識其歲月也近閱子美年譜肅宗乾元二年己  
亥十二月公自同谷赴劍南翌年庚子即上元元  
年也裴冀公冕鎮成都為公築草堂於浣花溪越  
二年壬寅即代宗寶應元年則首尾三載而草堂  
成干戈羈旅之中舖糈不給雖蒙賢主人之助得  
一屋以居亦甚艱矣余於庚子春始得地于愚山  
之北澗拮据營構至壬寅而堂室粗完其間勤苦  
蓋不啻於子美而歲月久近恰與相同干戈之號  
又同此雖出於適然而猶不能無感於懷也嗚呼  
余之同於子美者豈止此一事而已耶貧寒一自



也羸瘦二同也遭亂困頓三同也輕於言事卒之  
取困四同也自許太過為人所笑五同也至於戀  
君憂國一飯不忘之忠則雖不敢自謂同而亦不  
敢自謂不同也所不同者惟文章照千古光焰萬  
丈長耳同其所不幸而不能同其所長是亦命物  
者之為耶余於此不惟有所感而又為之自悲焉  
因次寄題草堂詩韻以見意

拙性乖俗好潛伏理宜然考繁此僻境洗心聆風泉烟雲  
互明媚琴書亦靜便夙願幸無違顏齡聊可延憶昨誤塵  
網一去經十年豈無榮達念幽盟奈彌堅矧茲屬艱危宅  
村須濟川安能鷓在梁坐使羽沉船遂將魚鳥性歸共縻

鹿眠數椽足容膝萬事當聽天但恐終老志或為柔道牽  
福分禍所伏名者謗之先何況不義貴於我如飛烟明珠  
當十襲出懷即難全長松倚雪鬆不受藤蔓纏苦懷誰復  
賞悲吟徒自憐

正月二十四日曉地震癸卯歲甲寅月辛巳日  
庚寅時也起乾向巽

坤順元宜靜陰疑却會掀聲如風火烈勢欲海山翻本立  
家應易賢登國自尊扶陽二三策無路叫天關

月屬三陽泰時當四德元如何批馬類還震六龍門震自  
莫示儆天庸王忘亡國詎存恭吟雲漢雅淚望太微垣

余甚愛四莖花冬月恐其悴為立四竹柱加以細  
竹椽用苫圍覆之以護風雪今年立春在舊歲正

月中日氣已和煦安謂此後必不再寒遂撤其苦  
蓋欲迎陽受兩使之早抽條也不意數日來寒凜  
或甚弱植不能自保爪其層已燥矣嗚呼事下順  
理欲以私意小智安排作為於其間望其速成其  
不為耨苗之宋人者鮮矣遂用梅聖俞五例體記  
其事以存後日之戒云

昔我第四季不下菊與桂得汝伴寂寞意欲晚頭蠶蓓蕾  
流續接縫尊映綠葉無與主德王首為月臨感愛護作重  
寶不翅肉倍好蓋累幸已密啓發失太早但見化日煦未  
料朔吹吼耿耿夜倚枕咄咄曉行搗視去盤老樹亦虎倒  
弱植况自只下訝飯顆瘦竟作澤畔禱信是自作孽不敢

怨造物助長者有害欲速則不達萬物貴順性小智古所  
病豈獨為汝惜一吸要自警

### 早春登臺

病中百念慮成灰幽興依然尚未裁欲試春風初出戶偶  
聞禽語遂登臺欣欣物意飛躍袞袞天機去又來好領  
滿前無限樂不愁真路隔蓬萊

### 夜坐

中宵睡覺氣滯凝點省心源一點澄靜裏蕭然難着力只  
今漸愧瑞巖僧

### 愚巖

萬古衝波獨力虛金頭昂面醜捨如愚他年有客來相訪山

下蒼巖是即吾

問山

舊名于社今愚伏只為中間著老夫靈隱聖居名更好山  
英還愛老夫無

山答

愚宜雌伏智雄飛泉石幽盟慎莫違自是人情愛名譽我  
於愚智沒心機

溪亭

溪水清如鏡茅堂狹似船初回大袂愛聊作小乘禪投飯  
看魚食停歌待鷺眠柴門終日掩孤坐意悠然

歲除日宿玉成書宇曉聞雞聲有首口占

黃雞已喚甲辰春物色風光一併新為問本來明淨地怎  
生留惹舊年塵

離山晶長老新歲寄詩副以棗實一封次韻謝之  
老去閑愁沒奈何新年白髮一分多忽看火棗隨瓊屑驚  
喜三清路不賒

鄭生榮邦來訪以詩相贈次韻答之

山幾縈紆水幾重多情來到寂寥中明知五夜懸燈話絕  
勝三年數墨功只怕吾心澄不定休言此道遠難通從君  
試問花蕪柳孰使青青孰使紅

正月二十三日夜夢侍晦庵先生坐俄而象山公  
至相與接膝余謂象山曰公門學正如人夜坐水

中自謂星月盡在吾脚底象山謂晦庵曰緣公廣  
為論說致令後生輩疑我我何嘗作如此說話耶  
晦庵云我不曾將公說話說與後生只是著之文  
字後生輩自能覷得破耳象山遂以手指畫余掌  
作字曰多言害道宜無言若有以密付者然余曰  
此正是禪家莫把金針度與人底言句一般覺而  
思之禪家瞑目注想求以識心見性恍惚之間略  
見些箇影子便謂有所解悟洞見光明閃爍萬物  
皆備於此而不知其所見者非真道體也夢中星  
月之喻似有此意但如此取譬既不曾見之於簡  
編中又不曾思之於心慮上忽於夢寐之際對陸

老發之雖未見其親切的當而亦非無義之謔言  
也遂記之將以就正於君子因次鵝湖欽韻得二  
律道所感云

巍巍堯德始明欽精一相傳舜禹心大抵問途方適國未

應平地立成岑忍門索飯終難飽把鏡窺花久則沉佛書

多心亂定  
久則沉  
夫子語只有明誠須兩進不言來者不如今夢中有後  
生之云故

典刑長向卷中欽愛裏摳衣亦賞心自是嘉禾異稂秀誰  
將寸木倚樓岑當時不着嚴辭闢平陸應為濁浪沉少子  
幸能參妙訣夾持猶可冀來今

方伯李君養久駐州城以書相問于今不相見已

二年矣夜坐對月殆不能自遣吟得短律以寄

相思咫尺望檐帷坐到松窓月午時欲說豈無心裏事多

情空與夢中期春回洞壑花初動愁入江湖病未醫何日

四邊休練卒一樽桑落共君持

時方伯閱武于北川

附方伯次韻

我冠鳴佩侍 經帷謫下人間又幾時騷客一春芳草

怨 美人千里彩雲期求賢會見虛前席活國應須付

上醫自笑踈慵何事業四年孤節手中持

咸興僧妙淨行脚到嶺南住見日庵二年庵距吾

愚伏未十里數相從泉石間今將北矣來告行北

之巡乃余舊同寮也付以書使袖納仍贈一絕

千里關河一錫微音書珍重去無違相逢空問山翁事石

曲溪頭畫掩扉

集句

老向功名意轉踈夢中猶讀少時書日長籬落無人到數

畝荒園帶雨鋤

閑行

盡日行吟萬木中綠陰深處有清風悠然意在忘言地翹

首沂雩恨不窮

過松溪有感

吾祖曾耽道衰年此掩烏琴書當日地禾黍後人情松老

留風骨潭澄見性靈吞聲空佇立征馬音悲鳴

夜坐有懷時讀朱書節要

落月照東麓巖光爛如玉幽人坐對此欣然媚幽獨豈無  
千載人與我同心曲落落不可親娟娟空在目長跪抱遺  
編悲歌振林木

次西厓先生韻

幽清全與世情疎門掩空山一草廬不解覓心資玩弄閑  
來遮眼聖賢書

俗學迷方用意疎老來悲歎卧窮廬居然守著無珠櫛  
梅當年誤讀書

招社術士思忠

術士中朝人墮兵到嶺外流落不能歸以風水

及相術名自言子義之後時在李養父帳下以  
詩邀之

宇宙詩宗杜少陵風流千載有雲仍城南閣閣諸親隔海  
外聲名走卒稱莫把奇談調蒸澤好乘幽興訪孫登人生  
契合無燕越石榻何妨一笑凭

立春日作乙巳

人心最好陽明勝世道禎要穢濁除只管自家餘不管且  
欣春氣滿吾廬

從叔參奉挽詞

豫章生在空山裏出地即與凡姿異良材未作梁棟用黑  
風吹折干雲氣驪胎眼底輕六合整立嘶鳴望闔闔窮秋

瘦骨瘦下斃咫尺天衢阻騰踏造化小兒多戲劇我欲不  
怨那可得當時謾說鬼福謙此日誰信人浮食平生為善  
天不祐至今人寃吾從祖天乎人奪幹盡賢九萬無階向  
誰訴薰門圭竇日荒涼詩書舊業餘塵箱人生生死豈不  
大荼園誕安齊彭殤青山黃土掩白壁忍見高堂血垂臆  
百年離別一長慟萬壑悲風響松壑

金士悅來訪改蒼石兄韻贈之是日適語及世變  
求之即在不難尋莫向虛無在用心誰遣蒙人譏曾叟不  
堪思古更傷今

月夜與李叔平昆仲成士悅康明甫諸人講話叔  
平出一絕各次韻

把酒煩擾放還流覺得止時便是收從古此心無別法莫  
將光影費尋求論禪及之

鄭相國咏挽詞

半夜中台圻公位至今年大歲蛇辛巳老成終至此邦國  
竟如何勳業尊盟府公錄詩書證故家公自以嗚呼  
俱已矣萬事一蓬科

挽金省克昌遠

夙昔心期托弟兄邇來離闊歎晨星只愁瘴地無消息那  
意窮途隔死生但切道存人所笑我洋絃在世誰聽攀轡  
一慟君應識我是當年范巨卿

愚谷雜詠二十絕丙午

書室

聖賢往矣書猶在窮到心融即見功好向此中勤著力莫  
嫌輪扁笑桓公

溪亭

萬壑風泉獨掩扉日長無客到溪亭晚來意倦拋書出  
眼新陰綠滿庭

懷遠臺

巖臺下尺花瑶琴詠歎黃虞坐暮陰山遠水長人不到只  
應魚鳥是知音

五峯塘

臺石留泉作小池鏡中峯影絕相宜昨來更試栽荷法

見開花十丈時

五老臺

五龍蟠屈石頭危歷戰千霜老更奇莫向當年怨介斧  
推翁那解惜貞姿嘗為店村時村氓伐其中一  
樹顛今唯有旁枝作倚蓋形

翔鳳臺

个何岡頭獨振衣去雲來鳥看平飛悠然意得都忘語日  
暮長吟弄翠微

鰲柱石

樞軸穹窿自轉旋杞人癡絕謾憂天區區莫效支撐力好  
鎮山門作老仙

羽化巖



思仙文集卷之一  
十六  
步步凌虛興未窮六根非實又非空從前枉試參同契今日天遊自在中

御風臺

冷然真界出氛埃萬里剛風腋一來只為故鄉忘不得翩翻直可到蓬萊

萬松洲

日將影過雲垂地風得聲來海撼空最好世間三丈雪萬株春色一洲中

山影潭

潭上山光碧四圍巖來潭底較清奇須添好雨涵虛靜莫遣輕風漾綠漪

垂綸石

古人垂釣還忘餌我本無釣豈有綸自是濠梁知樂久倚筇終日玩遊鱗

船巖

神斧鑿成萬斛舟化工應為濟人謀世間水之行渠力闕在空洲爛合休

花叢

日暄沙淨水縈回躑躅成山夾岸開幸爾不隨波浪去蒼人尋逐此間來

雲錦石

瑩滑那容一點苔  
雲錦帝親裁不因萬劫濤沙鬪爭

得晶光許好來

雙壁壇

雙崖臨水翠屏開十丈松陰絕點埃佳境不怪分一半今人誰肯為山來

青山村

丹崖翠樹白沙澄潭極可愛舊有野人名青山者居之至今號其地為青山村

野人心計未全疎此地來依水石居今日獨來墟落盡耦耕何處覓長沮

畫圖巖

丹青顏面玉精神磅礴潭濱德有隣兩崑列峙擬向此間棲小屋看人呼我畫中人欲置精舍

拱仙峯

百丈蒼厓十丈仙問君高拱幾何年應緣與世無情意閱盡興亡獨不驚

水回洞

畫障懸空拱列仙蒼翁文字字堪傳蒼石公嘗遊此地有記勝錄一篇首句乃只嫌造物怪偏甚不許絃歌入洞天初議建書院于此衆

捕其中狀  
誌商之語  
意嫌其空  
辭議遂寢

余酷好泉石自卜居于此日與冠童三數輩搜奇討勝上下十餘里間懸厓曲叙絕壑深林足迹靡所不及方其欣然得趣自謂世間無他物事可以易吾之樂蓋將以是為終老之計一二年來疾病侵尋筋力乏少登陟搜尋之興漸覺

衰歇且念如此勞攘亦足喪志杜門靜居怡悅  
心神時復尋閱經傳玩索文義有日暮途遠之  
憂則於前日之所謂樂者非惟有所不能又有  
所不暇矣病中合眼默念向來遊歷之地吟得  
二十絕書之壁上以寓閑中卧遊之興云丙午  
暮春下浣石梁病人識

李修撰叔平抱病遠來許以旬日留止為對床語  
且以一絕見贈次韻謝之

當時只要入山深  
離索那禁鬢雪侵  
三夜對床成晤語  
碧潭晴月證同心

附元韻

願養年來得力深  
靈襟不受一塵侵  
潭邊鰲柱高如許  
那及超然物外心

離山禪長老遣沙彌來致書問訊以詩送之  
碧眼禪子扣我門  
離嶽烟霞濃  
蒲繖欣然笑罷問  
底來袖  
有高僧書一帖  
携上巖臺月  
明處初却松梢掃  
黃葉今朝  
相送過溪橋  
碧澗萬曲雲千疊  
為報高僧豈相忘  
石磴連  
天不可涉

寄全秀才克恆

聞君頭角已冠纒  
為把陳言當字詞  
一語動時精取舍  
三  
人行處審師資  
懷金結駟榮何有  
摘葉搗華枝亦罕  
珍重  
成人在與善  
須尋百已聽箴規  
趙文子之冠也韓獻子戒  
之日成人在始與善始與

善善善進善不善退由至矣始與不善善善進不善善亦  
莫由至矣此與聖人之言曰商也日益賜也日退之語同  
其格言也加  
之意甚善

蒼石兄朝 天回得痰病甚劇慎攝經年獲愈同  
契以壺盃慰之坐間得一律道情

萬里關河六氣滯肌膚那免病相侵生灾無妄藥可勿求  
福不回神所散磅礴形神期華嶽敷腴顏色映丘林殷勤  
賀語存規戒永命祈天在養心養心莫善於  
寡欲故云

挽趙月川

玩樂齋前立雪賢當時科品許弓騫剛方器度天偏厚篤  
實功程老益專廊廟未伸經國手在園虛閣杖朝年可憐  
身後無長物厨下篋瓢祭上篇

太白寺僧持西厓詩訪余于中臺次贈 丁未

結趺聽簷溜春夜未渠央永懷古人心黃卷有遺芳如何  
百年半歧路尚彷彿燈前獨憫悵言短意還長

吾鄉達尊主簿宋文年七十四縣監金文年七十  
二叔父年七十縣監尹文年六十七以今上元日  
燕集于醫舍之存愛堂命之曰白首會蓋盛事也  
鄉之白首者或聞風佩愛而至友人念知德知復  
及經世及從弟先世以子弟侍坐終日陶然續之  
以明月酒酣吟得一律敬呈座上以申祝賀之忱  
云

德是夜入壽星墟蒲坐者吳燕集時年在古稀還健勝皓

如商四各環奇壺觴簡淡過從數子姪陪隨笑語怡盛事  
自今成歲例到看仙孩長孫枝

西厓先生挽詞

金聲玉色鳳威儀瑞世英姿世所師何嶽氣中生有自退  
陶門下見而知人間已矣無差彙天上依然望尾箕唇吻  
向來何足說青蠅難辨夜光疵

才稱王佐未應慚徇國誠心帝略監經濟半途窮鬼五桡  
遲初服違尊三只緣大雅難諧俗豈有重華不聖讒臨絕  
一封文字少解救悲涕滿東南

來徃西林二十春只今於道尚迷津山頽此日將安仰河  
飲平生更莫因萬古和風長隔面一天明月是傳神縻身

宦冗遠臨穴慙愧當年等室人

郡齋書懷

此邦民物久顛連拙手慚非保障賢日失伍三知有罪月  
攘雞一待來年經秋草沒松間屋盈尺塵埋架上編世故  
不容人便去芒鞋時向夢中穿荒政無策屯田亦不能全罷故領聯云

書海印寺僧軸

一宿禪房記昔遊至今魂夢繞紅流芒鞋布襪非無計五  
斗淹留愧白頭

徐正即行甫閉戶仙查山中冬至月以盆梅盛開  
者一枝折納紙籠中寄來副以清詩三絕不勝喜  
倒謹用其韻謝之

自笑山翁誤出山一年  
鞞笏在人間詩隨驛使來  
東閣無限鄉心隔淚者

絕俗幽芳合在山誰教送到簿書間  
摧殘尚有仙風骨可把凡花比並者

暗香疎影傍溪山脩竹蒼松伯仲間  
三逕只今埋沒盡待誰留眼品題者

山居 戊申

滿山風雪歲行闌牢閉柴荆謝往還  
堪笑四方心已倦吾廬雖陋十分安

離嶽僧惟性索詩贈一絕 己酉

雲盡千峯景漸暄小窓孤坐聽禽言  
如今不恨過從斷時

有山僧款竹門

寄關西伯李養久

千里關河費夢思一書珍重慰調飢  
年來息盡閑心想只有朋情未肯衰

總雲飛細逸窓間正好澄心默坐者  
何事當時黃太史九

衢塵裏學偷閑 寄香對茶

宿練光亭月色甚好翌朝方伯李養久以書相問  
書面著愚伏字見而有感以一絕答之

莫將愚伏履書頭解與征人惹著愁  
昨夜滿樓秋月色愛魂難到萬松洲  
州在愚伏山中

往在甲申春余方讀論語愛記箕子祠有感賦一

短律覺而記其首聯以語同伴則或戲之云覺時  
作還不及後二十五年已酉秋余以冬至使過平  
壤時方為君服斬不得入祠宇瞻拜于廟下遂  
憶夢中句足成短律

吾社能令右公車孰使東夢中道行夷不陋仁遠國仍空  
何者非天意無然怨牧宮千秋禮遺廟髣髴聽陳洪

到十三山書贈陳童子

恰行二千里纔到十三山自王京至此不多但苦前程遠  
空愁隔歲還逢人無與晤對酒不成歡偶得陳童子論書

一破顏童子名和貞年甫十四而能誦四書

留別應址庵邦悅庚戌

行到山海關有應君名繹字邦悅者來訪于店  
舍與之語樂易可愛善畫又解醫自言舊居浙  
江之金華府頃歲二親繼殞妻子零落遂飄然  
有遠遊之志來住此關今已累年辱與貴邦賢  
大夫過此者遊亦非一二今幸得權於左右願  
得一句語庶他日携歸浙橋展之風簷以寫想  
慕之懷臨別遂書此以贈

鞅掌嚴程一解顏偶攀瓊樹塞垣間方憐百鹿非凡手  
鹿甚妙更荷雙鷗為畫歡再提畫華髮滿簪吾已老春潮  
入夢子應還舊居在江百年未卜重携日復信人間此別

難

僕素不能詩兼中年以後疾病交侵粗知休心  
為安樂法遂廢吟詠生齒已久昨蒙俯索篇章  
致意勤至浙嶠風簷等語極令人起感况此風  
萍聚合各在數千里之外豈非難遇之緣而他  
日重逢又杳然無期則臨別之際何可無一語  
耶茲不<sub>也</sub>破戒搆拙以副盛意只可一笑覆瓿

到高嶺寄應止庵

逆旅逢君一笑開愛君標格似三梅只應此後相思愛不  
被重關隔斷來

題寓居壁上

七月入城寓古禮曹河

偶因多病得長閑散髮披衣畫掩關睡罷風攪無一事不  
知身寄市廛間

次韻別申順夫

之南歸

送盡歸人滯洛中羞將客淚洒西風愁邊鬢髮先秋換此  
物年來亦不公

送金晦仲

憲赴關東幕

玉挿晴空萬二千秋風六馬鴈俱翩王尊未可全忘孝行  
到危途慎下鞭

少年意氣橫秋鷗老去功名上竹鮎

君於五年前已經通判

男子一

生多事業仙區花酒莫傷廉

恐為豪氣所使有流連光景之患故勗之

白日柴荆古禮曹

寓居坊名

清秋魂夢萬松臯臨歧又與同心



別涕淚無端在縵袍

題應北庵所贈李太白醉眠圖障子圖乃應所有  
作出關送別時持贈

近山濃翠遠山碧落景含山半天赤  
曹騰驢背醉眠翁大野迷茫何所適  
猩霞滿面看過顛一任驢兒齧蹄癢  
龍眠心匠解奪胎筆端幻出遊仙相  
龍眠本是遊仙侶曾住金華學輕舉  
山海關頭普邂逅粲然一笑相容與  
當時袖裏贈行物半壁摩挲神恍惚  
相思千里宵無期夜向屋樑看落月

寓居隣有一筭負名金柱者以善移松名雖夏月  
能移拱把之幹無不活者為余以小盆盛一老松

來放鉢扶踈甚可愛

本自龍鍾不可材更移根入小盆栽平生未要為標棟且  
免青黃作雨災

造化生成有疾徐百年放鉢僅尋餘干雲蔽日元無分  
點雪爭風也有如

愚伏先生文集卷之一

愚伏先生文集卷之二

詩

題龍仁漾碧亭并序 辛亥

小亭在石泉上林樾中名以聽澗者余故山新  
卜奔走塵埃勞費夢想處也辛亥春自錦城趨  
謝于朝歷宿駒興之漾碧亭夜聞窗外有滴泉  
聲欣然有感得一絕

日暮來投漾碧亭滿庭松檜雨冥冥分明一漾琮瑤水不  
及山中獨卧聽

宿邊山釋在庵題坐屏時以形勢巡審事

憶曾嚼 命丙申年飛上千山第一顛衰病即今筋力盡

朗吟無計倚塵六

摩天臺名

淳昌壁上有朴訥齋寄金冲庵三絕蓋朴為潭陽

金為淳昌時相往復之作也韓益之諸公皆奉次

余亦有感用其韻

尺疏千秋尚耿光兩賢名與漢江長憑誰說向三緘鬼莫  
詭生前帶耀黃

百里隣封兩大賢至今詩句賁山川我來正取連珠路忍

對湖人說往年

連珠綾城別號

往事傷心不可尋鬢邊霜雪坐來侵吾衰豈有周公夢中  
夜悠然獨整襟

再用前韻道所感

若將魚目齒宵光鶴選應換短長公是日非非日是世  
間無用是雌黃

狼腹偏心說聖賢誰能隻手障奔川歸歟水石烟霞裏獨  
抱遺經送暮年

懷山波浪幾千尋  
色翻為匪茹侵一亂極知緣運氣殘  
生猶自涕盈襟

謹次圃隱先生板上韻

向年奉使過松都拜謁于文忠祠下仍上滿月  
臺愴然興懷想得英靈時往來於故宮禾黍之  
間遂為之涕下焉即於完山東閣得公近體一  
首雖其歲月無徵而憂傷感慨之意溢於言外

聲氣俱短不忍再讀意者其在國事既去之後  
歎嗚呼悽矣吟誦悲惋之餘謹用其韻

一字吟來一涕橫短篇能使我傷情昏庸自為叢毆爵險  
固無論鐵作城豈不識天親有德只應知義重於生懷君  
戀闕貞魂在長與雲烟護舊京

漢陰李相公以書索梅子欲種之龍津令照映山  
澗蓋為投老吟賞之計也謹以數千顆呈似仍有  
所感得近體一首并奉時相公為辰舌所困方乞  
致仕

碩果生生理不差會看千樹擁山阿升盤入鼎要探實平  
砌堆璫莫管花桃李滿門何用此風標同調故須多鄉園

亦有天然白誰向窮林問古查

哭趙汝直 正立 癸丑

清時勇退意流中噓起千秋立懦風類俗見希驚大讓  
聖君恩重賞孤忠新除直提學  
病未謝而歿家肥孝友身常恭病入膏  
肓限忽窮記得政曹留筆日寸心惟有淚傾凍

昔年即署忝同僚視子如松自視蒿情即弟兄惟姓異地  
分何嶺亦神交平生解相庭中骨一病驚聞屋上草除却  
夜臺長會合世間那得續絃膠

春日思歸

跨馬腰先僕當班脚不支自憐衰朽骨非復宦遊時洛澨  
春波漲商顏野菜蕪祗知歸去好綠底尚遲遲

洪寧原盤族名麟壽者居掌苑橋西偏闢小園雜  
植奇花異卉蕭然坐其中余每往訪借得松竹各  
一盆約以南歸時奉還以一絕寄意

聖恩如海久低徊野興逢春不肯及南國未尋三徑去止  
隣聊借兩盆來

候使相于臨溪縣聞使相取羽溪路遂自臨溪急  
向羽溪山路極險馬上得一絕

嶺路橫天不可躋樹間時見老熊棲三陽底事渾忘孝纔  
到臨溪又羽溪

白沙宰相公被重譴在都門外以一絕問之  
萬事悠悠摠不期丹心只恃 聖明知時朝議欲加罪而  
知上意堅定不

得發 天涯歲暮無消息獨遡而風淚兩垂

宿喚仙亭 甲寅

松間畫閣出雲衢蓬島飛仙定可呼酒醒夜深揮燭退坐  
看晴月滿平湖

題堯率寺壁 寺前有楊士彥十居處峯巒甚  
奇壯泉石亦佳但太僻不可居

卜筮誠擬計經過儘壯遊何緣問蓬老定欲挹浮丘天聳  
千尋玉巖薄一片秋仙區難便住人世謾多憂揚自號  
蓬萊

通川清虛堂北墻下石上有桐木中琴材余命伐  
之三守姜文卿頗有愛惜意藏述其語以慰之

請君莫伐梧伐梧欲何為歸以崑山玉絃以扶桑絲調以  
黃鐘音被以南風詩終不如朝陽夕露長清陰老竹巖頭

人莫知物中於材必見用不是伐之乃收之嗚呼既不免  
斧斤厄為君用請君長置膝上彈慎勿棄擲塵臺間

題普德窟

神仙無則已有則當在此不見人則不可呼或見之當  
見吾平揖香爐萬仞峯三十三天第幾重橫吹鐵笛倚斜  
暉淡霧輕風興已飛為報金剛臺下長鳴鶴莫浪問蘇仙  
之遊樂不樂

初入萬瀑洞有鶴盤空余令笛手吹作慢調徊翔  
不去如解人意第三日再到則又出而飛舞余題  
詩于普德窟落句云為報金剛臺下長鳴鶴莫浪  
問蘇仙之遊樂不樂蓋喜之也又後三日出山到

曹溪洞回念昨遊杳如夢中事眷戀不能忘忽見  
雙鶴在雲霄間盤旋良久而去依然有相感之懷

口占一絕

曹溪洞裏暮徘徊萬瀑香爐看幾回多謝金剛臺下鶴教  
勤相送過山來

宿洞山晨起喜雨是時大旱

歲旱無禾麥田家廢鋤天心未忘愛雨意欲蘇枯映樹  
看疎密窺窓聽急徐願傾三日霈滿慰四郊吁

今年自春不雨至夏愈甚五月十日有甘澍自晨  
至夜此國諺所稱 太宗雨也有感而作志喜

沒世猶流澤於歲不可護年年是日雨點點 聖王息淨

洗芸黃色昭蘇晴死魂星言觀四野喜氣滿乾坤

題南軒

老退荒間分所當 聖恩隆重借黃堂  
庭空言永悠然坐 一樹桐花蒲院香

次小樓板上韻

芳春歸計坐參差耐度芙蓉落盡時  
官事日埋何可了且 開酬應莫深思

三椽茅屋萬松洲聽澗亭前一逕幽  
昨夜夢歸仍不寐滿 空涼月在西樓

萬縷憂端集鬢絲天涯何處可伸眉  
登樓無限騷人意滿 地秋陰日暮時

江陵士子輩各出米斗以書來問訊其意甚勤以

短律謝之

時余自本府就 命命在獄四十 五日蒙 恩待 命金吾門外

禮樂漸先進聰明畏後生在任時與諸 生通讀禮書追從空歲月披露  
但心誠忽作倉皇別相者急難情書成不盡意涕下欲沾  
纓

冬至夜坐偶吟

網已開三面纍猶向一隅未離公冶綫  
空抱復侯書漏永 眠難穩燈寒影轉孤  
天心幸陰隲地底漸陽舒

立春日偶吟

椒觴桃壘競喧嗔獨對寒燈坐悄然  
今日始知余罪大金 吾明外候新年

月澗李叔載家有盆梅一株臘月方盛開與諸友  
同往賞之吟得一律丙辰

上番千點照玄冥八戶相看眼忽驚好傍檀山通馥郁有崇權假山甚香烈肯從庭雪鬪輕盈挑奴李婢休煩評玉骨冰魂  
自甯清盡日不歸緣底事主人標格更難兄

又用蒼石韻

野外千林凍窓間一樹春乍如姑射女還似冷山人潔淨  
元宜雪孤高不受塵莫嫌輪鞅寡同室有心親

挽金叅判希玉功

憶得先王撥亂年枕戈猶御日三筵掄才講讀公為長  
公時為副提澤討與義文我未賢經世備員貞諒久知同氣味衰

遷長浪間山川星巖寂寞今誰主白首僚官淚徹泉

臘月初六日盆梅盛開月澗兄弟來訪適大風寒  
甚閉戶靜坐得二絕

楮烟薰一室春竹青梅白自精神山童慎莫輕開戶  
外饗風解破人

朔吹掀天萬竅鳴窓間玉佩綬疎英紫藜盡日無人到卧  
聽橋頭折木聲

蒼石又賦一絕次韻

傲睨千花作後塵人間臘月已回春深居不被風霜厄恰  
是晨門避世人

挽姜邦恩寓



黃髮丹顏是幾仁如何厭世忽長輪還聞欵日衰猶短治  
喪者來言衣落不久識平居甄有虛公晉為二舉而實益  
備云故用點慶事 錄也泉下會尋同被樂公兄弟凡九皆以 人間虛負釣  
人 瑞春公享年八十一 二他年忍過江頭路白石蒼蒼不見

余家有梅二盆以其一餽蒼石

除君澗底蒲種我池邊石蒼石家西澗多石嘗  
蒲余嘗採來種之 送我盆中  
梅伴君床上易霜霰最有嚴風豈木自馨德持此願相助歲  
晚各努力

盆梅四絕

禁得天香不啓唇好從皮裏長精神莫將仙子腰間佩輕

比吾家席上珍

右蒼雷

先閑非躁後非慵造化參差自不同若使一齊都絕了緝  
熙何處見神功

右破綻

冰塞長河雪擁山天心無處見倪端黃然一室春光滿造  
化還如有兩般

右爛熳

瓊飛玉碎點書床一片真堪一斷腸縱使調羹裏有佳實意  
教吹笛擺孤芳

右衰謝

避暑王成閻早題壁上已未

絕氣漫空烈火烘寰區無處不炎風傍人怪我居深室誰  
識微涼在靜中命於暑日輒閉戶  
坐室中人皆笑之

大地烘烘萬井皆誰教早燭徹窮泉天今欲雨難為力多

事農人苦怨天上年冬已小雪今年自春徂夏陽氣太元  
雖間有小雨未嘗浹洽隨即焦乾至七月

則旱勢益甚草木皆枯井泉之  
出於數仞之下者亦皆竭涸

天際孤雲一抹橫未應無意慰群生蘇枯潤涸須臾事其

奈西風不暫停望靈陰頂常有  
雲而不能雨

憑闌一雨紛紛山為先生便出雲我亦十年雲與友拜

滿無雨意徒勤膺庵詩曰自作山中入即與雲為友一謂  
雨紛紛無勞三與酒勉齊登城樓望蕭山

禮拜  
即雨

王成後山俗號西山有一帶細雲橫抹山腰自東

而西雖盛旱輒雨今年絕無此雲七月十六日晚

始有之是日午忽有雨喜而有言

萬古山腰一線雲解傾甘澍洗炎氛神功播在邦人口不

管方輿有闕文常欲開一二立有  
早荒禱而六界

田家怨效儲光義

農時望雨雨不至七月農作雨不止田中枯禾不復活但

令木綿花爛死夫婦終年竭筋力翁寒何衣母何食翁寒

母饑且莫道最畏官家督租後聞說隣邦皆苦飢扶藜欲

往何所之嗷嗷共向田中哭君門深深那得知

次蒼石韻贈柳季華

惠文文集卷之

河上傳家只墨庄兒孫疏攜不充腸如何將相三千日併  
文成都八百桑

挽呂德甫

裕吉

昔我忝專對時公為輔行相逢國西郊色溫魂清明開口  
即見心心知不夸毗載擅理行役披襟託心期晨征每並  
轡夕宿或連被訪舊共懷悲過勝同快喜關河豈不遠旋  
返乃忘倦銜綸幸不辱錫盤數謬眷相隨扣閭闔自列無  
功能微誠阻聽察寸心積惶兢去就既相謀心情漸莫逆  
末路得良朋重之逾拱壁久要有下石新知或斷金白頭  
與傾蓋所貴相知心蹇拙坐數竒行身落窮途人情宜共  
棄鬼見亦挪揄虞卿窮抵死平仲敬彌敦每於羈管地相

對見淚痕一別倏三載此情那可忘書疏宿持戒山川但  
馳想始聞左丘旨旋報臯魚哭驚惶若躬瘵愷節謂神福  
如何不毀年乃忽傷生戒豈不識順變至痛難自制有生  
孰無死如公諒堪慟筋躬常自潔懷才終莫用失聲寢門  
外老淚瀉長河欲然助執紼其奈抱沉疴江臯留小築樹  
木日成陰他年月溪棹忍過春江潯

公十餘年  
下自號春江

憶楓湖

江陵府東南十餘里有楓湖遊者自寒松南行  
穿長林踏細沙愈入而愈深歷盡松沙稍轉而  
西顧則忽見平波浩渺與天一色晃朗如別一  
世界令人錯愕而驚真勝地也然而不見稱於

世者特為鏡浦所歷有如涇沁湜湜而以渭濁  
耳余作吏時屢往遊而甚樂之至今魂夢常往  
來而不能忘蓋愛其幽靜平穩宜於岸巾携筇  
也

寒松南畔是楓湖極目平波遠有無欲傍晴沙留小屋好  
隨蓋戶作魚徒當時此語元非臆抵死初心未肯孤榆塞  
又塵吾已老 末句缺

鄭寒岡挽詞

山海堂中侍燕申天淵臺上挹陽春深衣大帶端行士正  
色昌言直道臣蒼造遽亡傷殄瘁典刑雖在漸荒秦嘗聞  
禮說編摩就沒世猶能惠後人

三百三千禮與儀可陳其數義難知關中學者無張子湖  
外先生有翼之古道未能為木鐸群眸猶得仰金篋山顛  
此日堪長慟嚮何從問所疑

演雅效康節首尾吟體

吟詩非欲效竟大萬物冥觀各智愚野雉近林常畏尾山  
雞照水竟亡二大寒大澤龍蛇蟄日暖平洲鳧鴈呼敬枕  
偶然成一莞吟詩非欲效竟夫

春日同月澗蒼石南溪愚淵申汝涉及冠童七八  
人遊酉川禱巖效儲光羲體

勝友隨緣集芳樽盡意傾忽驚佳節曼徐傍小溪行各鳥  
相呼喚巖花遙送迎坐來無俗客吟罷有幽情

讀晦庵先生詩有十二辰體謹效之得二首

莫嘆倉鼠飲梁稻莫嘆耕牛無宿草君看猛虎落檻并狡  
兔下睨相侮惱所以神龍蟄重淵不與蛇鱷同周旋和光  
避世金馬門何似羊裘老澤邊忘形猿鳥伴寂寞雞黍時  
時留野客堪笑咸陽市上嘆黃犬為已謀慙為魂得  
魯社鼯鼠齒如鑿白日恣食郊牛角上帝容之不界虎任  
他去與兔免譴黃龍塞上來妖氣常山蛇首不救尾釋甲  
下馬拜戎王安引牧羝無愧恥忠魂定不作虫猿多難欲  
醉真將軍時平誰識狗續貂臨亂視之麟與豚

挽成士悅覽

水淡蘭芳四十春愛君襟度瑩無塵始因惻切常加敬通

關酸甜轉見親丹訣欲論書已廢與公論濠梁雖在跡

還陳泉聲夜夜鳴環佩長記寒齋對榻辰公常愛余池上

也聲

次慕齋金先生韻贈權秀才登并序

讀書者復知書中所言莫非吾事逐段逐句皆  
即吾身以求之則凡聖賢所至而吾所未至者  
皆可勉而進若但悅其文義以資誦說而已則  
雖日誦五車畢竟干已何事孟子曰徐行者豈  
人所不能哉不為耳至哉言乎此最是警發人  
處推此而觸類則頭容直手容恭豈人所不能  
冠毋免衣毋接毋放飯流澠豈人所不能哉九

小學六篇中所言皆人人所能初無聖賢獨能  
而吾不能之者特令人立志既允下用功又膚  
淺不能奮發向前切已體驗故終身讀書未免  
為鄉人而止豈不深可慨然耶權氏子屋問小  
學於余性靜而志專若有感發於是書者於其  
卒業而歸次慕齋金先生韻得三絕贈行且述  
其窮廬悲歎之懷以勗之蓋欲其及時力行無  
為買櫝還珠之愚也

六篇謨訓是嚴師為聖為賢本自斯他日待君當刮目莫  
依今日出門時

莫道歸求自有師且將精力俛於斯培根溉土從今始會

見于雲蔽日時

句句章章總我師眼前道理只如斯勸君莫作空言解日  
日行持十二時

除夕書懷

喫盡滯灘歲依然老禿翁病留於字上身滯鬼關中舊習  
藤常統新功凍未融桑榆須佐省育德要深崇

趙斐仲 翊 改葬挽詞

憶昔官繫瀕人墟聞訃驚呼有慟乎千里未隨輻翼後一  
杯聊奠几筵初幾年宿草深黔石今日新墳屢檢湖名譽  
謾留門戶督善家餘慶理何如

呈趙明府續韓

愚人之集卷之二

三

太守訪梅山村已為勝致而夜來天忽下雪止  
副前日賞雪之計更是一段奇事謹以拙語識  
之仰索一粲

人起尋梅與天成賞雪期山從昨夜白花較去年奇勝事  
誇窮巷清歡屬大庾丁寧臘後約皂蓋莫來遲

除夕有懷書曆日

瞥眼舊年三百日新年三百又奔河只愁世道年年下齒  
落顛蓋也任他

再用前韻

不恨長繩難繫日自憐卷石望填河但令已德分毫進世  
道汚隆莫管他

以吾身而形之世道則固有大小輕重之殊以  
世道而方之已德則又有內外緩急之分前篇  
非墨後篇非揚覽者或能知此意矣

正月二日獨坐有感 壬戌

萬古貞元帝始終前瞻後顧儘無窮人生荏苒成今昔道  
體冲灑沒隙空允聖一心思則得助忘交病勿為功晴窓  
旭日娟娟淨點檢靈源髮鬢同

李君浩然 宜活 以古道魚見寄副以一絕有顧名  
思義之語有感于心次韻謝之

盤有邪蒿戒國儲聖於微處慎熊魚感君一語勤相勗古  
道行身愧幾如

倒用元韻又得一首

古道今時已掃如虛名猶屬海中魚但知一飽為君惠腹裏真腹竟莫儲

朴進士彥誠有孝行以樂志名其亭蓋取樂其心志之義也慕齋金先生按節本道造其廬而訪之留一絕云咨詢無效雪侵頭原濕驅馳未暇休孝里高風能起我為傾行蓋暫遲留其見重可想矣康兄朋甫即進士之外曾孫也以慕齋詩揭之壁上要余作一語謹用其韻道所感

孝於百行是原頭從此循循德日休我欲御公那可作獨憐亭扁至今留

右懷樂志亭

志學無成已白頭醇儒輔聖此生休向來路語猶心記時到茲亭為更留

右懷慕齋

諸生勉盡修行力此作醇儒輔聖時乃慕齋為號可時贈齋中士子詩語

耻將菱角作雞頭壁水英游早歲休風月滿溪高枕卧自言專壑勝封留

右屬主人

去冬與李君叔平赴難老堂壽席酒半主人文授簡命詩叔平操筆立就余思涸不能屬和今年再到則主人文督之不置遂續貂裘

喜公顏面玉含輝慈病叢中已脫圍

時公患大瘧累月而瘳

但有新



醅春水漲莫嫌知舊曉星稀花繁曲沼香來席樹拂雕欄  
露滴衣芳節勝遊須秉燭黃河東去不西歸

再用前韻道所感

昔年黃閣觀光輝玉立腰身瘦一圍欲舉藍輿今可作恭  
惟馨德古應稀賢即尚守司空宅未學難傳庾嶺衣淚洒  
十青詩卷裏歲寒心事要同歸

淵嶽阻雨留二日以群行忘後先朋息棄尚檢分

韻各賦一首得息字

抱病不出門藝伏如藏匿跬步阻靈境經年愁廢職昨聞  
賢地主高情厭朱墨乍拋拄頰笏為理尋山履老夫敢自  
安川路幸平直舍馬入坡陀策杖事登陟冠蓋四面集繁

然履我即盤礴坐風櫃滿面敷腴色洞主南溪翁愛客出  
悃悃欣然羅酒漿累日情不極古稱山林遊絕勝鍾鼎食  
况茲水石地可遊皆勝益賞心與樂事居然成兩得如何  
樂未央忽忽生悵惘人生不可期世道難容力極目掄塞  
塵臨風三歎息歎息無奈何但願崇明德

挽盧甥頌命

未斬蘇翁澤親遊沈老門詩書學而悅孝弟行之原泣血

三年善業贏一豎根骸成纔有立花落忽無言

春風三十  
花落無言

太白語  
三十歲云 神亭那堪說良緣解作冤東床掄鶴望南服

帶雄藩始見完山館相依伏麓村清姿憐玉潤芳韻愛蘭  
薰自是稜補質終非正石園浮生梁夢短脩夜蒸燈昏面

目森如見心情況可謾忍看帝鶴髮願得長御孫抱病違  
臨穴題詩獨斷魂非君誰為勸應有不亡存

李君茂伯患偏風就醫于此留數月將歸請同人  
叙別于龍門夜闌吟得近體一首奉別

九日清尊作勝遊忽驚離恨到心頭浮生乍別渾閑事同  
病相憐特地愁斗柄夜闌低欲落鴈行風急去如流艱虞  
未卜安身地安得從君海上禱

遊巴中

天潢一派下人寰巖破雲中幾疊山山骨却成銀海密水  
光仍展帝機純長時晃朗天無夜萬古盤陀地不刊安得  
恭階如此石華胥枕上奠三韓

山北紀行得十韻雖拘於音律不免易置先後要  
之勝處皆收入來者或當有攷也

病伏長為守殼蝸竹床蒲席送年華忽看屋瓦霜如雪遙  
想巖林築似花拂拭吟筇隨吏隱故城主昌招呼詩老訪

烟霞余遊巖石並巖巖巖巖香巖巖巖山巖巖嶺巖巖千古巖巖瀉巖巖水巖巖洞巖巖訝巖巖遊

劍插縹雲愁過華欲取路華之流永流巖巖壑喜徵已巴中

龍移石印行天鬣龍遊瀑迥波通祀斗何憶祀赫曦

名絕頂赫巖名其上欲留茅棟訪仙家山意故云清遊

自有真緣在勝境難從俗子誇眼底一樽宜痛飲且邊萬  
事莫深嗟丁寧更結芳春約須信人生會有涯

題東仙遊洞盤石

兩仙遊洞好相隣只隔中間一嶺雲莫招名區評甲乙天  
將水石與平分下嶺以東為開慶地以而為信州地而  
二十里遊賞者互有  
左右卒莫能定也

次金四寒 昌一韻并序

聖人只說下學而上達朱夫子釋之曰下學人  
事上達天理已是大慈分明自大聖始教之格  
物窮理推而至於聖人之知至知終徹上徹下  
只此道理初非離了日用別有一段玄妙工夫  
為此學之本領也頃年夜話時竊聽緒論其意  
亶亶好古叩其用功處則又笑而不言得非歛  
言語道斷心行處滅而此又是儒家之所深排

者故遮藏不肯言耶若然則高明所謂本領工  
夫者本來面目之緒餘耳淺見殊以為疑略嘗  
辨論而猶不敢索言也今得來詩乃有身外皆  
虛妄之語則全是西竺文字直令人駭懼夫以  
身外為虛妄則三綱五典皆為無用之剩物而  
塊然而壁玩弄精神方為著實近理之功也此  
說若行誤後學不少不得下一轉語以救之  
想曠度有以容之不以為譏詆也

日用應酬要盡道其原無處不相逢若言身外皆虛妄試  
問平生著甚功

非聖書經眼中毒知言人曠世難逢請從平地加循省負

指玄虛作實功

曾聞喜禪  
佛書故云

李君時揚袖踈庵詩一冊來示半餉之頃未及卒  
業而略窺數篇已服其雄健瞻器非世之摘藻稿  
筆取悅人目者所可彷彿也其中有贈李君絕句  
謹用其韻附空君呈似想為之發一笑也

兩眼平生不識人獨於踈老得其真請從閩洛尋先覺莫  
與蘇黃作後身

有懷石潭子和壁上陶詩韻以見意非必欲寄示  
也

歌枕夜闌雨晨旌梅已開欣然發孤笑幽馨來滿懷忽憶  
如花人經年坐暎益多蘭諒同氣鸞鶴奈異棲命駕欲往

從川塗脩且泥援琴寫幽思官商苦不諧誰能翰我腋千  
里去不迷攀枝行驛使日夕腸九回

次李子異蓮堂韻 并序 癸亥

聖上撥亂之初李君子異為司諫建罷女樂悉  
遣選上歸郡邑乃始初清明之一大政也不久  
子異遷舍人有一絕云奏罷梨園為諫名却來  
蓮閣負風情池塘水滿芙蓉冷獨凭危欄聽雨  
聲蓋戲語也余以為戲言出於思不如無之之  
為善故下一轉語以存規戒之意云

不避青樓薄倖名一封更有愛君情如何聽雨製香日  
却悔當初放鄭聲

挽任正言叔英

帝為邦家不愛才山河秀氣與胚胎堂堂正論軒天起浩  
浩雄詞倒海來濁世蔥纒吟楚澤清時瑤佩上蘭臺青錢  
望重騰名遠白玉樓成下詔催素外形骸無被斂獨耽墳  
典有書唯春秋策在諸儒誦公為布衣時入大連對策極  
言時事皆據春秋經義廢上  
怒致黜之因大  
臣啓辭而止 謹直人亡 聖主哀上御講筵聞公逝惜  
之曰此人非徒有才  
乃謹直  
人也 托契向來真道合披襟對處輒顏開憐窮屨到金  
吾地昔歲余待詔于金吾  
門外公數來用訪 命駕遊尋玉洞隈春訪余於玉  
成洞作數日  
遊托 往事悠悠渾似夢茲心耿耿未能灰問君精爽今何  
在不入星躔定作雷

八直王堂次李汝固壁上韻甲子

空疎無補 主恩深三復檀河愧夙心次第歲華驚晚晚  
燕飛鴛鴦語又蟬吟

是日八侍 經席乞解職不得請復用前韻

乞解徒緣疾病深豈能於世便無心 温言不許投閑願  
竹塢松墩八苦吟

挽鄭大司成時晦晦 乙丑

重望扶傾陳清姿照夜珠生逢 聖人作才應中興須優  
力艱難際殫誠啓沃謨時方期旱雨身已作秋蒲蒲座忘  
三鏡銘旋換六符剗肝留草疏帝血負林烏有痛均賢類  
增傷最老夫受衰同癸亥連步上雲衢言議相芬馥心情  
兩灌輸醪醇常至醉陂濶未容輿遽失吾良友誰憐此腐

儒題詩當虞殞垂淚望阡途

挽曹承旨汝益友仁

才憎命達古今冤抵死奇窮孰似君  
忘憤寫宣詩作案設辭看破禍成根  
江濱晚卜三清境天上催成大偉文  
數尺孤墳何處是白頭南望獨銷魂

挽黃持平會甫紐丙寅

去歲喪吾子今年又哭君誰知失侶  
鴈曾是斷腸猿靈覺渾銷盡形骸塊  
獨存他時一掬淚能復灑荒原

次正使姜曰廣蠶頭韻

共御冷風跨太虛平郊更值月光舒  
揚花竹葉徵佳句是日

座上正使大人誦祁戶部人從竹葉  
葉孟六醉舟向揚花渡口橫一聯砥柱丹書訪大書仙遊峯石

崖有朱太史明日却成十里別他年誰寄一雙魚  
相看脉脉愁如海雖有清樨不可除

次正使漢江亭韻

有瑤珩佩綠如葱一笑心親氣槩中  
賸使陋邦耆彩鳳定知明主好真龍  
移舟去向凌敲地永夕被承解溫風誰遣  
別愁來酒席鬢邊添雪為吾公

次正使湯花渡韻

中流彭軻倚風輕兩岸平沙過雨明  
野服款承仙竹袂水禽時和佩環聲  
江山滿眼那容盡情興催詩不用觥  
最是三生夙緣語無端別淚數行傾

書臺諫廳挾板

供職旬餘五引嫌消埃無補鬢絲添一作悔多情最憶仙  
遊洞枕石何時漱玉簫

謝吳翁判德奇百齡求馮近思

賢郎筆力貫虹霓 宸所頻回寶冊題 血指不堪藤面吊  
世間何限厭家雞公之伯胤 茲奉法冠一世 國家金石之

謝延安府伯吳汝完竣書問

鹽州詞翰自西來 客裏塵襟賴豁開 一幅銀鈎驚老眼 三  
年銅綬惜高才 南塘露重紅蕖謝 東洛秋晴白鴈迴 潤色  
江山須健筆 行看雲錦快刀裁

啓運宮挽詞

國值重灰運祥鍾積善門 居然生 聖女應為誕 神孫  
日是天姿粹 寧由姆教溫 無心省寶坑 不啻對盤餐 禱副  
歸藩邸 椿修覲 至尊宮闈嘉 儉德家 虛化仁言玄鳥曾  
呈瑞靈芝却有根 下齡綿 社稷一日整乾坤 一稟行貞  
寐金甌絕點痕 沉機冠十亂 默佑協三元 融穆方隆養膏  
旨忽作寬毅穿 前夜雀腸斷 昔年猿 露宿院空切神河  
理莫論忍有深墨 面難返太清 魂即遠靈辰 屆 崇  
終禮意悖臣工 隨輦路 哭臨旅郊原 誠孝追前代 儀  
文啓後昆 義仁輕重得 常變是非喧 峻秩連珠府 殊祥毓  
慶園衣 榮極存 設誰道 寡於恩

晚宋蔡川 甫昌 一卯

開口傾心便覺奇暗中摸索也能知情親不為婚姻故氣  
際嘗聞少壯時數郡遺恩留犢子平生積善驗麟兒行者  
赫奕家聲遠名位當年莫嘆卑

挽晚翠吳老 億齡

板老階庭玉立人清標炯炯映簪紳平生操履心如結餘  
事笥章筆有神托契向來真莫逆攀瓊從此更無因重壚  
永閉休復慟西風漫空鐵馬塵

大院君遷葬挽詞

天上佳公子人間 大院君風流元絕俗懿行更無群  
主聖恩偏渥時昏禍忽臻憂摧中壽限葬托外翁墳丹雀  
來豐戶真龍起碣雲應知眾善積氣得上穹聞永慟傷非

命前喪憾未文新園迎曉旭舊宅啓宵分大隊同顛淺千  
秋共必芬吾 王誠孝譽青史定法

挽申領相欽 戊辰

標裕蘭同馥容姿玉比溫清文元核化邃學又窮源丹穴  
雄鷲徹滄溟大翼騫青陽公輔望曠代 聖明恩憑凡攀  
仙扎攀弓哭帝軒彝倫將墜地直道不從昏去吊三湘影  
誰招六天魂坎窩安義命茲羨玩乾坤一日風雲會千年  
契遇惇明良相起喜朝野倚亨屯力竭身忘斃心勞事耐  
煩那知天不憖終遣病成窳黼座悲亡鏡通班惜失鷄二  
經紉繹筆八可炳琅言已矣難重覩無緣作九原極知朝  
必夜猶有淚交痕夙昔尋門屏空踈荷眷存理要傾意吐



文許細心論位絕憐情密家貧見德尊詩書業諸子清白  
遺仍孫此道今安有如公不可謾傷心珍悴雅聲發未容  
吞

挽李判書潤卿 粹光

玉無瑕玷鏡無塵緼籍風流第一人險路歷窮腸似鐵勝  
心消盡氣如春方看道長時將泰豈料胥差歲在辰閉戶  
草玄書甫就封章論事跡還陳青陽久托金蘭契白首相  
期骨肉親可惜瑶琴從此廢一聲蒿里淚盈巾

送李叔平赴任三陟 庚午

世亂身難料情親別更愁雲橫大關嶺魂往竹西樓

宣祖大王遷陵挽詞

睿智元天出嚴恭又性成緝熙常慥慥間燕愈惺惺四十  
勤民曆三千享上程施仁深惻怛謹度極虔誠一列聖遺  
寬在連章上介行讓訛鑄國史羞厚雪宗祊纒猾窺周  
鼎皇靈發漢兵山河氛浸豁華夏義聲轟誕撫亨嘉  
會茲教否運傾中興斯最盛前牒孰能京沒世流餘澤  
詒謀啓太平民難忘盛德臣更抱深情憶昔霑殊渥登  
身廟道英幾番承晉接時許討義經刻骨家人遇驛顏國  
士名烏號傷往歲象設愴新營改石音初下暮天意  
已驚只思勤掇拾那得狀高明荷寵丘山重酬三恩性  
命輕遙瞻雲鬢歸空有淚縱橫

挽李生裕後

汝翁六八已為天汝少七齡右更促人生元似薤上露汝  
家奇禍何偏酷迺迺遺緒一絃存但望孤孀抱遺腹腹中  
男女誰得知萬事宜宜堪痛哭

愚伏先生文集卷之二

